



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 230, Datë 12.09.2022

MBI

**MIRATIMIN E KONTRATËS PËR SHIT-BLERJEN E ENERGJISË ELEKTRIKE
NDËRMJET KESH SH.A. DHE OST SH.A. PËR MBULIMIN E HUMBJEVE NË
SISTEMIN E TRANSMETIMIT PËR PERIUdhËN 02.07.2022 DERI MË 31.12.2022**

Në zbatim të neneve 16, 20 gërma “h”, 47, 56 gërma “f”, si dhe 90 të ligjit nr. 43/2015 “Për sektorin e energjisë elektrike”, i ndryshuar; Pjesës I, nenit 4, pikës 7 të Vendimit të Këshillit të Ministrave (VKM) nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; VKM-së nr. 256, datë 29.4.2022 “Për disa ndryshime në vendimin nr. 584, datë 08.10.2021, të Këshillit të Ministrave, “Për shpalljen e gjendjes së emergjencës në furnizimin me energji elektrike”; Kapitullit V të “Rregullat e Tregut Shqiptar të Energjisë Elektrike”, miratuar me vendimin e bordit të Entit Rregullator të Energjisë (ERE) nr.139, datë 15.08.2016, i ndryshuar; “Kodi i Transmetimit”, miratuar me vendimin e bordit të ERE-s nr. 63, datë 11.04.2022, si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 12.09.2022, pasi shqyrtoi relacionin me nr. 1528/2 prot., datë 09.09.2022, të përgatitur nga Drejtoritë Teknike “Mbi miratimin e kontratës për shit-blerjen e energjisë elektrike ndërmjet KESH sh.a. dhe OST sh.a. për mbulimin e humbjeve në sistemin e transmetimit”,

Konstatohet se:

- Me shkresën nr. 1147/1 prot., datë 11.08.2022 shoqëritë KESH sh.a. dhe OST sh.a. kanë dërguar në ERE kërkesën për miratimin e kontratës me nr. 4670 prot., datë 27.07.2022 (OST sh.a.) dhe nr. 3635 prot., datë 27.07.2022 (KESH sh.a.) “Për shitblerjen e energjisë elektrike për mbulimin e humbjeve në sistemin e transmetimit” të miratuar dhe nënshkruar ndërmjet palëve OST sh.a. dhe KESH sh.a.
- VKM nr. 584, datë 08.10.2021, “Për shpalljen e gjendjes së emergjencës në furnizimin me energji elektrike”, e ndryshuar, ka shpallur gjendjen e emergjencës në furnizimin me energji elektrike deri në 31 dhjetor 2022.

- Neni 4, pika 7 e Pjesës I të VKM-së nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, përcakton se: “Ky vendim është i zbatueshëm edhe për përballimin e situatës së gjendjes së emergjencës në furnizimin me energji elektrike, sipas nenit 90 të ligjit nr. 43/2015, “Për sektorin e energjisë elektrike”, të ndryshuar.
- Në këto kushte, Palët kanë rënë dakort të lidhin kontratën e sipërcituar në zbatim të VKM-së nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, e cila ka vendosur që gjatë periudhës së gjendjes së emergjencës në furnizim, shoqëria publike e prodhimit, e ngarkuar me detyrimin e shërbimit publik, furnizon Operatorin e Sistemit të Transmetimit me të gjithë sasinë e nevojshme, për mbulimin e humbjeve, me çmimin e blerjes së energjisë nga prodhuesit me përparësi hidrike. Kontrata ndërmjet shoqërisë publike të prodhimit dhe Operatorit të Sistemit të Transmetimit, negociohet nga palët dhe miratohet nga ERE.
- Kontrata, objekt miratimi, ka gjithsej 19 nene dhe 2 Anekse, dhe është hartuar sipas parashikimeve të ligjit nr. 43/2015 “Për sektorin e energjisë elektrike”, i ndryshuar; VKM-së nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; Rregullave të Përkohshme të Tregut Shqiptar të Energjisë Elektrike; si dhe Kodit të Transmetimit.
 - Qëllimi i kësaj kontrate është përcaktimi i të drejtave dhe detyrimeve të palëve për skedulimin, deklarimin dhe garantimin në sasinë dhe cilësinë e kërkuar të energjisë elektrike për mbulimin e humbjeve në rrjetin e transmetimit, për periudhën kohore 02.07.2022 – 31.12.2022.
 - Në kontratë përcaktohen edhe detyrimet e palëve, ku: Blerësi do t’i paraqesë shitësit, brenda orës 14.00, programin e ditës në avancë me bazë orare të ngarkesës për nevojat për energji për mbulimin e të gjithë sasisë së humbjeve në sistemin e transmetimit, në përputhje me aktet rregullatore në sektorin e energjisë elektrike dhe sipas formatit të parashikuar në Anekset e kësaj kontrate. Dhe nga ana tjetër, Shitësi do të livrojë dhe blerësi do të pranojë sasinë e energjisë elektrike të konfirmuar nga shitësi për blerësin sipas parashikimeve të nenit 3 të kësaj kontrate, ose sasinë e rëna dakord me shkrim midis Shitësit dhe Blerësit. Në rast se nuk do të ketë dakordësi midis palëve, atëherë do të zbatohet programi me vlerë më të ulët.

- Sa i përket çmimit të përdorur nga palët në këtë kontratë, në nenin 5 “Çmimi”, përcaktohet se: “Blerësi paguan Shitësin për energjinë elektrike të blerë për mbulimin e humbjeve në sistemin e transmetimit, me çmimin e blerjes së energjisë nga prodhuesit me përparësi hidrike”, sikurse përcaktohet në nenin 13, pika 1 e VKM-së nr. 456/2022.
- Në kontratë janë trajtuar dhe shumë elementë të tjerë me rëndësi për mirëfunksionimin e një marrëdhënie kontraktuale ndërmjet palëve. Si të tillë në kontratë janë përcaktuar modalitetet që kanë të bëjnë me detyrimet kryesore për furnizimin me energji elektrike, lëvrimi, matja transmetimi dhe risku i energjisë elektrike në rrjet, lëshimin e faturës për shërbimin e kryer, çmimi i aplikueshëm i cili parashikohet sipas vendimit të ERE-s në lidhje me këtë shërbim, kushtet e pagesave, po ashtu janë trajtuar aspekte të mosperformacës për shkak të Forcës Madhore dhe reagimet ndaj saj, garancitë dhe mbështetja e kredisë, zgjidhja e mosmarrëveshjeve, si dhe personat e palëve përfaqësuese në këtë kontratë.
- Aneksi 1 i kësaj kontrate paraqet raport rakordimin midis palëve të sasisë së energjisë elektrike të lëvruar nga KESH sh.a. te OST sh.a. në datën dhe orën e caktuar, si dhe nënshkrimi nga palët përfaqësuese të kësaj kontrate.
- Aneksi 2: paraqet konfirmimin e palëve për shit-blerjen e energjisë elektrike për mbulimin e humbjeve në sistemin e transmetimit, lidhur me dërgimin dhe pranimin e energjisë elektrike. Referencat e këtij aneksi janë: fillimi i lëvrimin, mbarimi i lëvrimin, sasia e lëvruar (MWh), çmimi i shitjes (Lekë/MWh) si dhe vlera totale (Lekë).
- Kohëzgjatja e kësaj kontrate është për periudhën 02.07.2022 – 31.12.2022, sipas parashikimeve të VKM-së nr. 456/2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike” dhe VKM-së nr. 584/2021, “Për shpalljen e gjendjes së emergjencës në furnizimin me energji elektrike”, e ndryshuar.

Për gjithë sa më sipër, bordi i ERE-s,

Vendosi:

1. Miratimin e kontratës së shit-blerjes së energjisë elektrike midis shoqërisë publike të prodhimit, e ngarkuar me detyrimin e shërbimit publik “KESH sh.a.” dhe Operatorit të Sistemit të Transmetimit “OST sh.a.” për mbulimin e humbjeve në sistemin e transmetimit për periudhën kohore 02.07.2022 deri në datën 31.12.2022.
(bashkëlidhur).

2. Drejtoria Juridike dhe e Zgjidhjes së Mosmarrëveshjeve, të njoftojë të shoqëritë KESH sh.a. dhe OST sh.a. për vendimin e bordit të ERE.

Ky vendim hyn në fuqi menjëherë dhe i shtrin efektet nga data 02.07.2022 deri më 31.12.2022.

Çdo palë e përfshirë në këtë procedurë mund t'i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI
Petrit AHMETI



Nr. 4670 prot. Tiranë, më 27 .07.2022

Nr. 3635 prot. Tiranë, më 27 .07.2022

KONTRATË

PËR

SHITBLERJEN E ENERGJISË ELEKTRIKE PËR MBULIMIN E

HUMBJEVE

NË SISTEMIN E TRANSMETIMIT

E lidhur sot më datë _____.____.2022, ndërmjet:

Kooperatës Elektroenergjitike Shqiptare, KESH sh.a., shoqëri aksionare, regjistruar si person juridik me Vendimin Nr.12728, datë 06.11.1995 të Gjykatës së Rrethit Gjyqësor Tiranë, me seli në: Bllokun “Vasil Shanto”, Tiranë, Shqipëri, me nr. NIPT-i J61817005F, e përfaqësuar nga Z. Ergys Verdho, Administrator i Shoqërisë KESH-sh.a., që më poshtë do të quhet “Shitësi”,

dhe

Operatorit të Sistemit të Transmetimit OST-sh.a., shoqëri aksionare, regjistruar si person juridik me Vendimin Nr. 31935, dt. 14.07.2004, të Gjykatës së Rrethit Gjyqësor Tiranë, me seli në: Autostrada Tiranë-Durrës, km 9, Kashar, Yrshek, Tiranë, Shqipëri, me NIPT Nr. K42101801N, përfaqësuar nga Administratori i shoqërisë **Z.Skerdi DRENOVA**, që më poshtë quhet “Blerësi”,

Baza ligjore:

- a) Ligji Nr. 43/2015, date 30.04.2015 “Për sektorin e energjisë elektrike”, i ndryshuar;
- b) VKM Nr. 456, datë 29.6.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”;
- c) VKM Nr. 584 datë 08.10.2021 “Për shpalljen e gjendjes së emergjences në furnizimin me energji elektrike” (i ndryshuar);
- d) Rregullat e Përkohëshme të Tregut Shqiptar të Energjisë Elektrike, miratuar me Vendimin e ERE Nr.139/2016, i ndryshuar;
- e) Kodi i Transmetimit, miratuar me Vendimin e ERE Nr. 63 dt.11.04.2022;
- f) Vendimi i ERE Nr. 99, datë 17.06.2016, “Mbi miratimin e Licensës së Prodhimit të Energjisë Elektrike”;
- g) Vendimi i ERE Nr. 134, dt. 06/09/2017 “Mbi liçensimin e shoqërisë Operatori i Sistemit të Transmetimit OST-sh.a. në aktivitetin e operimit të sistemit të transmetimit të energjisë elektrike”;
- h) Vendimi i ERE Nr. 253, datë 21.12.2021 “Mbi çmimin vjetor të blerjes së energjisë elektrike që do t’u paguhet prodhuesve ekzistues me përparësi për vitin 2022”

Në kushtet kur:

- VKM Nr. 456, datë 29.6.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, ka vendosur që gjatë periudhës së gjendjes së emergjencës në furnizim, shoqëria publike e prodhimit, e ngarkuar me detyrimin e shërbimit publik, furnizon Operatorin e Sistemit të Transmetimit me të gjithë sasinë e nevojshme, për mbulimin e humbjeve, me çmimin e blerjes së energjisë nga prodhuesit me përparësi hidrike.
- Kontrata e sipërpërmendur ndërmjet shoqërisë publike të prodhimit dhe Operatorit të Sistemit të Transmetimit, negociohet nga palët dhe miratohet nga ERE.

- Me VKM Nr. 584 datë 08.10.2021 “Për shpalljen e gjendjes së emergjencës në furnizimin me energji elektrike” (i ndryshuar), është shpallur gjendja e emergjencës në furnizimin me energji elektrike deri në 31 Dhjetor 2022

Palët bien dakord lidhur me përmbajtjen e kontratës së shitblerjes së energjisë elektrike në kuadër të përmbushjes së detyrimit të parashikuar për shërbim publik si më poshtë vijon:

NENI 1 QËLLIMI I KONTRATËS

Qëllimi i kësaj kontrate është përcaktimi i të drejtave dhe detyrimeve të palëve për skedulimin, deklarimin dhe garantimin në sasinë dhe cilësinë e kërkuar të energjisë elektrike për mbulimin e humbjeve në rrjetin e transmetimit, për periudhën kohore 02.07.2022- 31.12.2022.

NENI 2 PËRKUFIZIMET DHE NDËRTIMI

1. **Përkufizimet:** Termat e përdorur në Kontratë do të kenë kuptimet e dhëna në Ligjin Nr. 43/2015, datë 30.04.2015 “Për sektorin e energjisë elektrike”, VKM Nr. 456, datë 29.06.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licensuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; Rregullat e Përkohëshme të Tregut Shqiptar të Energjisë Elektrike, miratuar me Vendimin e ERE Nr.139/2016, i ndryshuar; Kodin e Transmetimit, miratuar me Vendimin e ERE Nr. 63 dt.11.04.2022;
2. **Interpretimi:** Titujt dhe nëntitujt janë vetëm për lehtësi dhe nuk prekin interpretimin e Kontratës.
3. **Referencat në Kohë:** Referencat në kohë do të jenë sipas Kohës Qendrore Evropiane (CET).
4. **Perputhja me Aktet nënligjore dhe Rregullat e Tregut:** Kjo Kontrate hartohet në përputhje me parashikimet e akteve ligjore dhe nënligjore në sektorin e energjisë elektrike. Në rast se ndonjë parashikim në këtë Kontratë bie në kundërshtim me ndonjë parashikim në aktet ligjore dhe rregullatore në fuqi, atëherë, ky parashikim në kontratë konsiderohet i pavlefshëm/pazbatueshëm dhe marrëdhënia rregullohet sipas parashikimeve të aktit në fuqi.

NENI 3 TË DREJTAT DHE DETYRIMET E BLERËSIT

Blerësi do t'i paraqesë shitësit, brenda orës 14:00, programin e ditës në avancë me bazë orare të ngarkesës për nevojat për energji për mbulimin e të gjithë sasisë së humbjeve në sistemin e transmetimit, në përputhje me parashikimet e akteve rregullatore në sektorin e energjisë elektrike dhe sipas formatit të parashikuar në Aneksat e kësaj kontrate.

NENI 4 TË DREJTAT DHE DETYRIMET E SHITËSIT

Shitësi do të livrojë dhe blerësi do të pranojë sasinë e energjisë elektrike të konfirmuar nga shitësi për blerësin sipas parashikimeve të nenit 3, ose sasisë e rëna dakord me shkrim midis Shitësit dhe Blerësit. Në rast se nuk do të ketë dakordësi midis palëve, atëherë do të zbatohet programi me vlerë më ulët.

NENI 5 ÇMIMI

Blerësi paguan Shitësin për energjinë elektrike të blerë për mbulimin e humbjeve në sistemin e transmetimit, me cmimin e blerjes së energjisë nga prodhuesit me përparësi hidrike.

NENI 6 DETYRIMET KRYESORE PËR FURNIZIMIN ME ENERGJI ELEKTRIKE

1. **Përgjegjësia për balancimin e energjisë:** Shitësi dhe Blerësi janë subjekte të rregullave në fuqi për balancimin dhe për rrjedhojë, përgjegjës për balancimin e energjisë elektrike.
2. **Livrimi dhe Pranimi:** Shitësi do të programojë, shesë dhe livrojë, ose do të bëjë të mundur të livrohet, dhe Blerësi do të programojë, blejë dhe pranojë, ose do të bëjë të mundur të pranohet Sasia e Kontratës sipas programit të deklaruar për ditën në avancë; dhe Blerësi do t'i paguajë Shitësit Çmimin përkatës të Kontratës.
3. **Përkufizimi i Programit:** "Program" sipas zbatimit, do të thotë veprimet e nevojshme për një Palë për kryerjen e detyrimeve përkatëse të livrimit ose pranimit, që mund të përfshijnë nominimin, programimin, njoftimin, kërkimin dhe konfirmimin me Palën tjetër, agjentët dhe përfaqësuesit e tyre të autorizuar përkatës, dhe me OST-në, kur aplikohet, Sasinë e Kontratës, Kapacitetin e Kontratës, Pikën e Livrimit, Programin e Livrimit, Periudhën Totale të Furnizimit, dhe çdo kusht tjetër përkatës të Kontratës sipas gjithë rregullave të zbatueshme të OST-së dhe praktikave e procedurave të tjera të zakonshme industriale.

NENI 7 LIVRIMI, MATJA, TRANSMETIMI DHE RISKU

1. **Rryma/Frekuenca/Tensionet:** Energjia Elektrike do të livrohet me rrymën, frekuencën dhe tensionin e zbatueshëm në Pikën përkatëse të Livrimit sipas standarteve të OST-së dhe Furnizuesit të Shërbimit Universal, kur aplikohet, si dhe në përputhje me Rregullat dhe Kodet në fuqi.
2. **Programet e Deklaruara:** Sasia e Energjisë Elektrike që do të programohet dhe konfirmohet nga Shitësi për Blerësin, do t'i livrohet këtij të fundit mbi baza ditore dhe orare në përputhje me aktet ligjore, nënligjore dhe rregullatore në fuqi. Nominimi fizik/programi për ditën e nesërme duhet paraqitur në oraret në përputhje me aktet ligjore, nënligjore dhe rregullatore në fuqi.
3. **Rimbursimi i Kostove të Jashtme:** Në rast se njëra Palë, me kërkesën e Palës tjetër ose për të zgjidhur një mosmarrëveshje të ngritur nga Pala tjetër, pëson shpenzime të jashtme të arsyeshme, kur verifikon se Pala tjetër nuk i ka kryer si duhet detyrimet e saj sipas kushteve të Kontratës, këto shpenzime do të rimbursohen me kërkesën e Palës që ka dështuar në performim.
5. **Risqet e Shitësit dhe Blerësit:** Shitësi do të marrë përsipër gjithë risqet dhe do të përgjigjet për çdo kosto apo pagesë të vendosur ose shoqëruese të Programimit, transmetimit dhe livrimit të Sasisë së Kontratës deri në Pikën e Livrimit. Blerësi do të marrë përsipër gjithë risqet dhe do të përgjigjet për çdo kosto ose pagesë të vendosur ose shoqëruese të Programimit, pranimit dhe transmetimit të Sasisë së Kontratës në dhe nga Pika e Livrimit.
6. **Pikat e Livrimit:** Shitësi do ta livrojë energjinë elektrike në hyrje të sistemit të transmetimit të OST, me kusht që të ekzistojnë matës në këto pika për të lejuar verifikimin e shumave dhe kohës së livrimeve.

NENI 8 MOS-PERFORMANCA PËR SHKAK TË FORCËS MADHORE

1. **Përkufizimi i Forcës Madhore:** Përveç se kur specifikohet ndryshe, "Forcë Madhore" për qëllimet e Kontratës do të thotë një ngjarje jashtë kontrollit të arsyeshëm të Palës që pretendon Forcën Madhore ("Pala Pretenduese"), siç përcaktohet në Ligjin nr.43/2015 "Për sektorin e energjisë elektrike", që nuk mund ta shmangte ose ta kapërcente në mënyrë të arsyeshme dhe që bën të pamundur që Pala Pretenduese të kryejë detyrimet e livrimit ose pranimit, për shkaqet e mëposhtme, por pa u kufizuar me to:
 - a) defekti në komunikim ose i sistemeve kompjuterikë të OST-së përkatëse që e pengon Palën Pretenduese të kryejë detyrimet e livrimit ose pranimit; ose
 - b) pezullimi nga OST-ja përkatëse të livrimit, pranimit ose injorimit prej saj të detyrimeve të Palës Pretenduese lidhur me Programimin sipas Kontratës.
2. **Çlirimi nga Detyrimet e Livrimit dhe Pranimit:** Nëse një Palë pengohet plotësisht ose pjesërisht për shkak të Forcës Madhore, në kryerjen e detyrimeve të saj për livrim dhe pranim sipas një ose më shumë Kontratave dhe kjo Palë respekton kërkesat e pikës 3 të këtij neni (Njoftimi dhe Lehtësimi i Forcës Madhore), do të konsiderohet se nuk ka ndodhur asnjë shkelje ose mospagim nga ana e Palës Pretenduese dhe ajo do të çlirohet (dhe jo thjesht pezullohet) nga këto detyrime për atë periudhë kohore dhe në atë shkallë që kjo Forcë Madhore e pengon performancën e saj. Asnjë detyrim për të paguar dëmet sipas nenit 9 (Zhdëmtimet/kompensimet) nuk do t'i merret Palës Pretenduese lidhur me sasinë e palivruara ose të pamarra.
3. **Njoftimi dhe Lehtësimi i Forcës Madhore:** Pala Pretenduese, sa më shpejt që të jetë e mundur pasi mëson për Forcën Madhore, do të njoftojë Palën tjetër për fillimin e Forcës Madhore dhe, për aq sa është e mundur, do t'i sigurojë një vlerësim jo-detyrues mbi zgjatjen dhe kohëzgjatjen e pritshme të paaftësisë së saj performuese. Pala Pretenduese do të përdorë gjithë përpjekjet komercialisht të arsyeshme për të lehtësuar efektet e Forcës Madhore dhe gjatë vazhdimit të Forcës Madhore, do t'i sigurojë Palës tjetër përditësime të arsyeshme, kur dhe nëse disponohen, mbi zgjatjen dhe kohëzgjatjen e pritshme të paaftësisë performuese.
4. **Efektet e Forcës Madhore mbi Palën Tjetër:** Në rast dhe në atë shkallë që Shitësi çlirohet nga detyrimet e livrimit për shkak të Forcës Madhore, Blerësi do të çlirohet gjithashtu nga detyrimet korresponduese të pranimit dhe pagesës. Në rast dhe në atë shkallë që Blerësi çlirohet nga detyrimet e pranimit për shkak të Forcës Madhore, Shitësi do të çlirohet gjithashtu nga detyrimet korresponduese të livrimit.

NENI 9 ZHDËMTIMET/KOMPENSIMET

1. **Rasti i mos-performancës ana e shitësit:** Në atë shkallë që Shitësi - Pala që ka detyrimin për livrimin e energjisë elektrike ("Pala Livruese") nuk i livron tërësisht ose pjesërisht sasinë e energjisë të përcaktuar/rakorduar për ditën në avancë, dhe kjo paaftësi nuk shfaqësohet nga një ngjarje e Forcës Madhore ose nga mosperformanca e Palës tjetër, Pala Livruese do t'i paguajë Palës tjetër ("Pala Pranuese") një shumë kompensimi për sasinë e palëvruar të energjisë elektrike e barabartë me shumën që do të paguajë blerësi si përgjegjës për disbalancat e shkaktuara nga moslëvrimi.
2. **Rasti i mosrespektimit nga ana e blerësit:** Në rastin kur Blerësi ("Pala Pranuese") dështon të pranojë tërësisht ose pjesërisht sasinë e energjisë elektrike të rakorduar për ditën në avancë dhe kjo paaftësi nuk shfaqësohet nga një ngjarje e Forcës Madhore ose nga mosperformanca e Palës tjetër, Pala pranuese do t'i paguajë Palës tjetër ("Pala Livruese") një shumë kompensimi

të barabartë me diferencën midis kostos mesatare të importit të energjisë të siguruar nga pala livruese në periudhën e mos përmbushjes (por jo më shumë se vlera e energjisë në HUPX për periudhën e mos përmbushjes) dhe kompensimit që pala shitëse krijon sipas rregullave të balancimit, në rastin kur kjo diferencë është pozitive.

3. Palët rakordojnë mes tyre sasi të faktike të energjisë së livruar dhe pranuar për qëllime të aplikimit të kompesimeve si më sipër.
4. **Shuma e pagueshme:** shumat e pagueshme sipas këtij neni do të faturohen dhe paguhen sipas Nenit 11 (Faturimi dhe pagesa).

NENI 10

KUFIZIMI I PËRGJEGJËSISË FINANCIARE

1. **Përrjashtimi i Përgjegjësisë Financiare:** Subjekt i pikave 13.2 dhe 13.3 dhe përveç kur lidhet me shumat e pagueshme sipas Nenit 9 (Zhdëmtimet), një Palë dhe punonjësit e saj, zyrtarët, kontraktorët dhe/ose agjentët, nuk kanë përgjegjësi financiare ndaj Palës tjetër për asnjë humbje, kosto, shpenzim ose dëm ("Dëmet"), (përfshirë, pa kufizim, çdo përgjegjësi financiare për shkak të çrregullimeve në furnizimin me energji elektrike sipas një Kontrate Individuale) që pëson Pala tjetër sipas Marrëveshjes ose lidhur me të, përveç kur këto Dëme shkaktohen nga neglizhenca e madhe, mospagesa e qëllimshme ose mashtrimi i një Pale ose punonjësve, zyrtarëve, kontraktorëve dhe/ose agjentëve të saj, përdorur nga kjo Palë për përmbushjen e detyrimeve të saj sipas Kontratës.
2. **Dëmi Pasues dhe Kufizimi i Përgjegjësisë Financiare:** Subjekt i pikës 13.3, përgjegjësia ligjore e një Pale sipas Kontratës ose lidhur me të:
 - (a) nuk përfshin përgjegjësinë financiare për Dëme indirekte dhe/ose pasuese, përfshirë, pa u kufizuar, humbjen e fitimit, klientelës, mundësive për biznes ose kursimeve të parashikuara; dhe
 - (b) kufizohet me një shumë të barabartë me shumat e pagueshme për energjinë elektrike të furnizuar ose që do të furnizohet nga një Palë sipas çdo Kontrate Individuale përkatëse me kusht që ky kufizim të mos zbatohet për pagesat sipas pikës 9 (Zhdëmtimet për Paaftësinë për Livrim dhe Pranim).
3. **Mospagesa e Qëllimshme, Mashtrimi dhe të Drejtat Themelore:** Asgjë në Marrëveshje nuk vepron për të përjashtuar ose kufizuar përgjegjësinë ligjore të Palës për:
 - (a) mospagesën e qëllimshme,
 - (b) mashtrimin; ose
 - (c) çdo veprim që rrezikon të drejtat ligjore themelore të një Pale ose që shkel detyrimet kontraktuale themelore të një Pale.
4. **Detyrimi për Lehtësimin e Humbjeve:** Për shmangien e dyshimit, dhe subjekt i legjislacionit në fuqi, çdo Palë bie dakord se ka për detyrë të lehtësojë Dëmet dhe premtun se do të bëjë përpjekje komercialisht të arsyeshme për minimizimin e çdo Dëmi që mund të pësojë sipas Kontratës ose lidhur me të.

NENI 11

FATURIMI DHE PAGESA

1. **Fatura:** Shitësi në bazë të Raportit të Vlefshëm do t'i dorëzojë Blerësit për livrimin e Energjisë Elektrike një faturë sipas formatit dhe standardeve që kërkon legjislacioni në fuqi, e cila paraqet sasi të totale të Energjisë Elektrike të shitur prej tij në periudhën kohore të lëvrimit të miratuar në Aneksin përkatës të kësaj kontrate. Paraqitja e kësaj fature do të bëhet brenda 10 ditëve kalendarike nga data e fundit e livrimit të energjisë elektrike. (ose kur kjo datë është

pushim zyrtar, ditën pasardhëse të punës). Kur periudha kohore e prokurimit të energjisë elektrike është më e gjatë se 1 muaj, faturimet do të kryhen pas çdo periudhe lëvrimi, me bazë mujore. Krahas faturës, Shitësi do t'i dorëzojë Blerësit edhe Raportin e Vlefshëm.

2. **Raporti i Vlefshëm:** Blerësi, brenda 3 (tre) ditëve nga dita e fundit e periudhës kohore të livrimit sipas parashikimit të të njëjtit Aneks, duhet t'i dorëzojë shitësit një raport të nënshkruar për energjinë e dërguar për këtë periudhë (në vazhdim raporti) që të përmbajë të dhëna për planet e rakorduara ditore sipas kësaj Marrëveshjeje. Në rast se ka kontestime, Shitësi mund t'i paraqesë Blerësit një ankim për raportin lidhur me saktësinë e të dhënave, brenda 2 (dy) ditëve nga dita që Blerësi, i ka dorëzuar raportin. Nëse Blerësi, e konsideron ankimin të justifikuar ligjërisht, do të nxjerrë një raport të ri. Në rast se ankimi konsiderohet i pajustificuar ligjërisht, Blerësi, do të njoftojë shitësin brenda 2 (dy) ditëve nga marrja e ankesës, duke vazhduar me procesin e faturimit në përputhje me raportin e vlefshëm.
3. **Pagesa:** Blerësi do t'i kryejë pagesën Shitësit kundrejt vlerës së faturës sipas pikës 1. Pagesa do të bëhet brenda 30 ditëve nga data e lëshimit të faturës. Data e pagesës do të konsiderohet data që nga llogaria e Blerësit preken fondet monetare.
4. **Vonesa në kryerjen e pagesës:** Nëse Blerësi dështon në kryerjen e pagesës brenda afatit të përcaktuar në këtë Kontratë, penalteti për dëmet e shkaktuara si rezultat i vonesës, do të llogaritet në përputhje me Ligjin Nr. 48/2014, "Për pagesat e vonuara në detyrimet kontraktore e tregtare" (i ndryshuar)".

NENI 12 TVSH-JA DHE TAKSAT

1. **TVSH-ja:** Të gjitha shumat e referuara në këtë Kontratë përjashtojnë çdo vlerë të zbatueshme të taksës së shtuar ("TVSH"). Nëse TVSH-ja është e pagueshme për çdo shumë të tillë, Blerësi do t'i paguajë Shitësit një shumë të barabartë me TVSH-në me tarifën e zbatueshme. Një shumë e barabartë me TVSH-në e pagueshme nga një Palë do të kërkohet për t'u paguar vetëm kur Pala tjetër të sigurojë një faturë të vlefshme TVSH-je lidhur me atë shumë. Çdo Palë, për aq sa e lejon ligji, do t'i sigurojë palës tjetër fatura TVSH-je shtesë të vlefshme që kërkohen për qëllimet e Kontratës.
2. **Detyrimet e Taksave të Shitësit dhe Blerësit:** Shitësi do të paguajë ose sigurojë pagesën e gjithë Taksave për Sasinë e Kontratës ose lidhur me të që del para transferimit të riskut dhe titullit në Pikën e Livrimit. Blerësi do të paguajë ose do të kryejë pagesën e gjithë Taksave në Sasinë e Kontratës ose lidhur me të që dalin gjatë ose pas transferimit të riskut dhe titullit në Pikën e Livrimit (përveç Taksës direkte ose indirekte që lidhet me shitjen e Sasisë së Kontratës dhe është përgjegjësi ligjore e Shitësit). Në rast se Shitësi i kërkohet me ligj të paguajë çdo Taksë të përshtatshme për llogarinë e Blerësit, Blerësi do ta zhdëmtojë ose rimbursojë menjëherë Shitësin për këtë Taksë. Në rast se Blerësit i kërkohet me ligj të paguajë çdo Taksë të përshtatshme për llogarinë e Shitësit, Blerësi mund të kërkojë nga shitësi ta zbresë shumën e kësaj Taksë nga shumat që i detyrohet Shitësit sipas Kontratës, në të kundërt Shitësi do ta zhdëmtojë ose rimbursojë menjëherë Blerësin lidhur me këto Taksa të pazbritura. Nëse ndonjë Taksë e re bëhet e zbatueshme ose një Taksë ekzistuese rritet lidhur me Kontratën dhe Blerësi është në gjëndje ta kalojë përmes një pale të tretë, Blerësi do të jetë përgjegjës për këtë Taksë të re ose të rritur.
3. **Taksa e Mbajtur:** Pagesat Lirë dhe Qartë. Gjithë pagesat sipas Kontratës do të bëhen pa mbajtje ose zbritje për llogari të çdo Takse përveç kur kjo mbajtje ose zbritje kërkohet me ligj. Nëse një Pale i kërkohet të mbajë ose zbresë Taksën nga një pagesë që duhet të bëjë, atëherë ajo Palë ("Pala Paguese") do të njoftojë menjëherë Palën tjetër ("Pala Marrëse") për këtë kërkesë dhe do t'u paguajë autoriteteve të duhura gjithë shumat e mbajtura ose të zbritura prej

saj. Nëse mund të lëshohet një faturë ose provë tjetër që evidenton pagesën tek autoritetet, Pala Pagueuse do t'ia dorëzojë këtë provë (ose një kopje të certifikuar) Palës Marrëse.

4. **Minimizimi i Taksave:** Të dyja Palët do të bëjnë përpjekje të arsyeshme për të administruar Kontratën dhe për të zbatuar dispozitat e saj sipas synimit për minimizimin e akumulimit të detyrimeve për pagesën e Taksës, kur është e arsyeshme dhe e mundur.

NENI 13 TRANSFERIMI

1. **Ndalimi:** Asnjëra Palë nuk do të autorizohet që t'ia transferojë të drejtat dhe detyrimet e veta sipas Kontratës një pale të tretë, pa pëlqimin paraprak me shkrim të Palës tjetër, i cili nuk do të vonohet, refuzohet ose pengohet në mënyrë të paarsyeshme, dhe me miratimin e ERE-s.
2. **Transferimi tek Filialet:** Çdo Palë do të autorizohet t'ia transferojë të drejtat dhe detyrimet e veta sipas Kontratës, pa pëlqimin paraprak me shkrim të Palës tjetër, një Filiali me aftësi pagueuse të njëjtë ose më të madhe. Ky transferim do të hyjë në fuqi vetëm pas marrjes së njoftimit nga Pala tjetër dhe, me kusht që çdo Dokument Mbështetës Kredie i nxjerrë ose i vendosur në emër të Palës transferuese të jetë rinxjerrë ose amenduar fillimisht për të mbështetur detyrimet e Filialit në përfitim të Palës tjetër.

NENI 14 PËRFAQËSIMET DHE GARANCITË

1. Secila palë përfaqëson dhe garanton Palën tjetër, pas hyrjes në këtë Kontrate, për sa vijon:
 - a. se është një Njësi e organizuar si duhet, që ekziston në mënyrë të arsyeshme dhe sipas ligjeve të juridiksionit të korporatës ose organizatës;
 - b. nënshkrimi dhe hyrja në Kontratë, në çdo Dokument Mbështetës Kredie ku është palë dhe në kryerjen e transaksioneve të shqyrtuara këtu, nuk do të shkelin asnjë dispozitë ligjore në fuqi;
 - c. ka pushtetin dhe është e autorizuar të ekzekutojë, shpërndajë dhe kryejë detyrimet sipas kontratës ku është palë dhe ka ndërmarrë gjithë veprimet e nevojshme për të autorizuar ekzekutimin, livrimin, kryerjen dhe hyrjen në Kontratë dhe ekzekutimin, livrimin dhe kryerjen e Kontratës dhe se çdo Dokument Mbështetës nuk shkel dhe nuk bie në konflikt me asnjë afat ose kusht tjetër të ndonjë kontrate ku është palë ose ndonjë akt ligjor dhe nënligjor në fuqi;
 - d. ka gjithë autorizimet qeveritare dhe rregullatore, miratimet dhe pëlqimet e nevojshme për të kryer detyrimet sipas Kontratës ku është palë; e ka negociuar, ka hyrë dhe ka ekzekutuar Kontratën ku është palë si kryesore (dhe jo si agjent ose me ndonjë kapacitet tjetër, kujdestar apo ndryshe);
 - e. vepron për llogari të vet (dhe jo si këshilltar, agjent, agjent ndërmjetës ose me ndonjë kapacitet tjetër, kujdestar apo ndryshe), ka marrë vendimin e vet të pavarur për të hyrë në këtë Kontratë dhe nëse kjo Kontratë është e përshtatshme ose si duhet për të, bazuar në gjykimin e vet, nuk mbështetet mbi këshillën ose rekomandimet e Palës tjetër për ta bërë këtë, dhe është e aftë për të vlerësuar meritat dhe kupton dhe pranon afatet, kushtet dhe risqet e Kontratës;
 - f. pala tjetër nuk vepron si kujdestar apo këshilltar i saj;
 - g. nuk mbështetet në asnjë përfaqësim të bërë nga Pala tjetër përveç atyre të thëna shprehimisht në Kontratë;
 - h. lidhur me një Palë që është entitet shtetëror ose sistem energjetik publik, kjo Njësi qeveritare ose sistem energjetik publik përfaqëson dhe i garanton Palës tjetër si më poshtë:

- (i) gjithë aktet e nevojshme për ekzekutimin e vlefshëm, shpërndarjen dhe zbatimin e Kontratës, përfshirë pa kufizim, ofertat konkurruese, njoftimin publik, zgjedhjen, përvetësimin paraprak ose procedura të tjera të kërkuara që janë ndërmarrë ose kryer ose do të ndërmerren dhe kryhen;
 - (ii) hyrja në Kontratë dhe zbatimi i saj nga një Njësi qeveritare ose sistem energjetik publik bëhet për një qëllim të duhur publik brenda kuptimit të legjislacioni në fuqi; dhe
 - (iii) afati i Kontratës nuk zgjatet përtej ndonjë kufizimi të zbatueshëm të vendosur nga ndonjë dokument tjetër dhe/ose nga legjislacioni në fuqi; dhe
- m. lidhur me një Palë, se nuk ka falimentuar, dhe nuk ka procedime ligjore ose administrative pezull ose kërcënuese ku të jetë palë dhe që në dijëni të saj do të ndikonin materialisht në mënyrë të dëmshme në aftësinë e saj për përmbushjen e çdo detyrimi sipas kësaj Kontrate ose ndonjë Dokumenti Mbështetës të Kredisë ku është palë, të tilla që ta bënin të falimentonte.

NENI 15

LEGJISLACIONI NË FUQI DHE ZGJIDHJA E MOSMARRËVESHJEVE

1. **Legjislacioni në Fuqi:** Kjo Kontratë është hartuar në përputhje me Legjislacionin e Republikës së Shqipërisë dhe do të zbatohet dhe interpretohet në përputhje me të.
2. **Zgjidhja e Mosmarrëveshjeve:** Çdo mosmarrëveshje që ngrihet si pasojë e interpretimit dhe zbatimit të kësaj Kontrate apo Aneksive të nënshkruara nga palët pas çdo procedure blerjesh të zhvilluar, Palët do të mundohen t'i zgjidhin me mirëkuptim midis tyre dhe kur kjo është e pamundur, secila prej palëve ka të drejtë që brenda 5 ditëve pune ta adresojë mosmarrëveshjen për zgjidhje në ERE. Secila palë mund t'i drejtohet Gjykatës për shqyrtimin gjyqësor të mosmarrëveshjeve.

NENI 16

PERSONAT E KONTAKTIT

Të gjitha njoftimet, që dërgohen sipas ose në lidhje me këtë Kontratë, duhet të dërgohen me shkrim në adresën e mëposhtme me email ose faks:

Për OST	Për KESH
Administratori i Kontratës	
Z/Znj Griselda Merkaj Funksioni Drejtor i Drejtoris së Shërbimeve të Tregut Adresa Autostrada Tiranë- Durrës KM 9 Yrshek ,Kashar, Tiranë Tel.: + 355 422 25 581 Mob:+ 355 69 60 10 492	Z/Znj Erald Elezi Funksioni Drejtor i Departamentit të Operimit dhe Tregtimit Adresa “Blloku Vasil Shanto”, Tirane Tel.: + 355 422 41 981 Mob:+ 355 69 70 98 777
Fax: + 355 422 25 581 E-mail: g.merkaj@ost.al	Fax: + 355 4 22 32 046 E-mail: elezie@kesh.al

Programi	
<p>Z/Znj _Alban Qurku Funksioni Përgjegjës I Operacioneve Balancuese dhe Ndërkufitare Adresa Autostrada Tiranë- Durrës KM 9 Yrshek, Kashar, Tiranë Tel.: + 355 422 25 581 Mob:+ 355 69 866 6680 Fax: + 355 422 25 581 E-mail:a.qurku@ost.al</p>	<p>Z/Znj Aurora Bego Funksioni Shefe Sektorit te Transaksioeneve Tregtare Adresa “Blloku Vasil Shanto”, Tirane Tel.: + 355 422 41 981 Mob:+ 355 67 21 35 152 E-mail: scheduling@kesh.al</p>
Back Office	
<p>Z/Znj Migena Vako Funksioni Specialiste pranë Sektorit të Operacioneve Balancuese dhe Ndërkufitare Adresa Autostrada Tiranë- Durrës KM 9 Yrshek ,Kashar , Tiranë Tel.: + 355 422 25 581 Mob:+ 355 69 252 7030 Fax: + 355 422 25 581 E-mail: m.vako@ost.al</p>	<p>Z/Znj Artan Gjonca Funksioni Shef Sektori I Administrimit te Kontratave Adresa “Blloku Vasil Shanto”, Tirane Tel.: + 355 422 41 981 Mob:+ 355 68 60 25 827 E-mail: backoffice@kesh.al</p>

NENI 17 TË NDRYSHME

1. **Njoftimet dhe Komunikimet:** Përveç kur parashikohet ose vendoset ndryshe nga Palët, të gjitha njoftimet, deklaratat ose faturat e dërguara nga një Palë tjetër, duhet të jenë me shkrim dhe duhen dorëzuar me letër (postë që arrin brenda 24 orësh ose korrier, postë e parapaguar) ose faksimile. Çdo Palë mund ta ndryshojë informacionin e njoftimit me anë të një njoftimi me shkrim palës tjetër. Njoftimet me shkrim, deklaratat dhe faturat do të konsiderohen si të marra dhe efektive:
 - a) nëse shpërndahen dorazi Ditën e Punës, ose Ditën e parë të Punës pas datës së livrimit nëse shpërndahen jo në Ditën e Punës;
 - b) nëse dërgohen me postë të shpejtë, Ditën e 2 të Punës pas datës së postimit, ose nëse dërgohen nga një shtet në tjetrin, në Ditën e 5 të Punës pas ditës së postimit;
 - c) nëse dërgohen me transmetim faksimile dhe prodhohet një raport i vlefshëm transmetimi që konfirmon marrjen, ditën e transmetimit nëse është transmetuar para orës 17.00 (me orën e marrësit) në Ditën e Punës ose në orën 09.00 (me orën e marrësit) në Ditën e parë të Punës pas transmetimit.
2. **Amendimet:** Çdo amendim ose shtesë në këtë Kontratë do të bëhet vetëm me shkrim dhe do të nënshkruhet nga të dyja Palët.

3. **Pavlefshmëria e Pjesshme:** Nëse, në çdo kohë, ndonjë dispozitë e kësaj Kontrate është ose bëhet e paligjshme, e pavlefshme ose e pazbatueshme, në çdo drejtim, sipas ligjit të çdo juridiksioni përkatës, ligjshmëria, vlefshmëria dhe zbatueshmëria e dispozitave të mbetura të kësaj Kontrate, nuk do të preken ose dëmtohen në ndonjë mënyrë. Palët ndërmarrin zëvendësimin e çdo dispozite të paligjshme, të pavlefshme ose të pazbatueshme me një dispozitë të ligjshme, të vlefshme dhe të zbatueshme që afrohet sa më shumë me dispozitën e pavlefshme lidhur me qëllimin e saj ekonomik, subjekt i aprovimit sipas pikës 2 të këtij neni.
4. **Të Drejtat e Palës së Tretë:** Palët nuk presin që ndonjë palë e tretë të ketë të drejta ose të jetë e aftë të zbatojë Kontratën dhe Palët përjashtojnë për aq sa është e lejueshme nga legjislacioni në fuqi, çdo të drejtë të këtyre palëve të treta që mund të nënkuptohet.

NENI 18 **MIRATIMI I ERE-S, HYRJA NE FUQI, EFEKTET DHE ZGJIDHJA E** **PARAKOHSHME**

1. Kjo Kontratë, dhe secili nga kushtet këtu, do të hyjnë në fuqi pas miratimit nga Bordi i ERE dhe i shtrin efektet për periudhën 02.07.2022 – 31.12.2022.
2. Kjo kontratë mund të ndryshohet apo zgjidhet përpara datës së përfundimit të saj, vetëm me miratimin e ERE.

NENI 19

Kjo kontratë nënshkruhet në 4 (katër) kopje të barazvlefshme, 2 (dy) për secilën palë.

Për
KOORPORATËN
ELEKTROENERGJITIKE SHQIPTARE,
KESH SH.A.

ADMINISTRATORI
Ergys VERDHO



Për
OPERATORI I SISTEMIT TË
TRANSMETIMIT,
OST SH.A.

ADMINISTRATORI
Skerdi DRENOVA



Aneks 1
Raport –Rakortimi
Ndërmjet shoqërive:

Me datë ___/___/2022, KESH sh.a. ka levruar dhe OST sh.a. ka pranuar energjinë elektrike sipas raportit të mëposhtëm:

Data\ora	1	2	3	4	5	6	7	8	9	10	11	12	13	14	15	16	17	18	19	20	21	22	23	24	TOTALE		
01/ /2022																											
02/ /2022																											
03/ /2022																											
04/ /2022																											
05/ /2022																											
06/ /2022																											
07/ /2022																											
08/ /2022																											
09/ /2022																											
10/ /2022																											
11/ /2022																											
12/ /2022																											
13/ /2022																											
14/ /2022																											
15/ /2022																											
16/ /2022																											
17/ /2022																											
18/ /2022																											
19/ /2022																											
20/ /2022																											
21/ /2022																											
22/ /2022																											
23/ /2022																											
24/ /2022																											
25/ /2022																											
26/ /2022																											
27/ /2022																											
28/ /2022																											
29/ /2022																											
30/ /2022																											
31/ /2022																											
TOTALE																											

Konfirmuar nga KESH:

 (emër, mbiemër, firmë)

Konfirmuar nga OST:

 (emër, mbiemër, firmë)

Aneks 2
i Kontratës për shit-blerjen e Energjisë Elektrike për Mbulimin e Humbjeve në Rrjetin e
Transmetimit
Ndërmjet shoqërive:
Kontrate Individuale

Referenca e Kontratës: _____

Shitësi: *KESH sh.a.*

Blerësi: *OST sh.a.*

Fillimi i levrimit	Mbarimi i levrimit	Sasia e levruar (MWh)	Cmimi i shitjes (Leke/MWh)	Vlera Totale (Leke)

Tipi I kontratës: *Me cmime fikse.*

Zona lokale: *GMT +1 (CET, Koha lokale Shqiptare)*

Pika e levrimit: *ALB-ALB*

Kushtet e kontratës:

Ky konfirmim konfirmon kontratën individuale të lidhur në përputhje me kontratën bazë për shitblerjen e energjisë elektrike për mbulimin humbjeve në sistemin e transmetimit, lidhur me dërgimin dhe pranimin e energjisë elektrike.

KESH sh.a

Emri:

Titulli:

OST sh.a

Emri:

Titulli: